

ԱԼԵՔՍԱՆԴՐ ԼԱՊՇԻՆԻ ՊԱՇՏՊԱՆՈՒԹՅԱՆ ՀԱՐՑՈՎ ՀՀ ՓԱՍՏԱԲԱՆՆԵՐԻ ՊԱԼԱՏԻ ՆԱԽԱԳԱՀԸ ԴԻՄԵԼ Է ՌՈՒՍԱՍՏԱՆԻ ԴԱՇՆՈՒԹՅԱՆ ԵՎ ԲԵԼԱՌՈՒՍԻ ԳՈՐԾԸՆԿԵՐՆԵՐԻՆ

12.01.2017 18:05

Հայաստանի Հանրապետության փաստաբանների պալատի նախագահ Արա Զոհրաբյանը դիմել է Բելառուսի Հանրապետության փաստաբանների հանրապետական կոլեգիայի նախագահ Վ. Չայչիցին և Ռուսաստանի Դաշնության փաստաբանների պալատի նախագահ Յու. Պիլիպենկոյին՝ խնդրելով իրավական գնահատական տալ Ալեքսանդր Լապչինի հետ կապված իրադարձությանը և օժանդակել վերջինիս իրավաբանական օգնության հարցում:

Փաստաբանների պալատը 2016թ. դեկտեմբերի 29-ին ձևավորել էր մասնագիտական աշխատանքային խումբ՝ փաստաբաններ Սիմոն Բաբայանի, Էմիլ Ամիրխանյանի, Տարոն Սիմոնյանի և Արայիկ Ղազարյանի կազմով: Մասնագիտական խումբը գտել է, որ Ալեքսանդր Լապչինի հանձնումը Ադրբեջանական Հանրապետության գլխավոր դատախազի պահանջով անթույլատրելի է, քանի որ այն հակասում է միջազգային և Բելառուսի ներպետական իրավական ակտերի պահանջներին:

Հիշեցնենք, որ ՌԴ քաղաքացի Ալեքսանդր Լապչինը հանձնման նպատակով Բելառուսի Հանրապետությունում կալանավորվել է Ադրբեջանի պահանջով, քանի որ 2011թ. ապրիլին և 2012թ. հոկտեմբերին այցելել էր Լեռնային Ղարաբաղ և այցերի մասին գրառումներ էր կատարել իր բլոգում: Ադրբեջանական դատախազությունը քրեական գործ էր հարուցել՝ տեղի քրեական օրենսգրքի 281.2 և 318.2 հոդվածներով նախատեսված հանցագործությունների հատկանիշներով, այն է՝ Ադրբեջանի տարածքային ամբողջականության ոտնահարման հրապարակային կոչեր անելը և երկրի քաղաքական սահմանը հատելիս անհրաժեշտ փաստաթղթերի բացակայությունը:

Բեռնել ՀՀ փաստաբանների պալատի նախագահի գրությունը:

Հայաստանի Հանրապետության
փաստաբանների պալատի
մամուլի ծառայություն

Առաջարկվող նորություններ



17.01.2017 ԱԼԵՔՍԱՆԴՐ
ԼԱՊՇԻՆԻ
ՊԱՇՏՊԱՆՈՒԹՅԱՆ
ՀԱՐՑՈՎ ՀՀ
ՓԱՍՏԱԲԱՆՆԵՐԻ ՊԱԼԱՏԻ
ՆԱԽԱԳԱՀԸ ԴԻՄԵԼ Է
ՌՈՒՍԱՍՏԱՆԻ
ԴԱՇՆՈՒԹՅԱՆ ԵՎ
ԲԵԼԱՌՈՒՍԻ
ԳՈՐԾԸՆԿԵՐՆԵՐԻՆ